

Conciones et orationes parric.

Thomas Aquinas

Febl. 3033.

Fr. Moriceti Raymundi: Caelum candidum

Doctoris Angelici Divi Thomae Aquinas
ratis efformatum.

DI

In

Pu

Patre



CAELVM

Laudibus Doctoris Angelici
DIVI THOMÆ AQVINATIS
Efformatum,

E T

In Festiuo Solemnitatis eius Applausu,

Post

Publicos Theologorum Comitiorum Dis-
cursus,

A

Patre Fr. RAYMUNDO MOIECKI Sacræ Theologiæ Lectore, & eius
in Studio BARICCIANO Varſaviæ, Ordinario Professore
Ordinis Prædicatorum,

Theologico Consistorio,
Stylo breui

DEMONSTRATVM.



VARSAVIÆ,

Apud Heredes Petri Elert. S. R. M. Typographi Anno 1666.

Qui autem Docti fuerint, fulgebunt
sicut Splendor firmamenti. *Daniel. 12.*



39258

Splendor eius ^{Tab} vt Lux erit. *Habac. 3.*



ADMODUM REVERENDO PATRI
IOANNI WAXMAN.

Sacrae Theologiae Magistro
Dignissimo,



Generalis Studij Prouinciæ Poloniæ Regenti
Meritissimo, Ordinis Prædicatorum,

Patri ac Benefactori Colendissimo.



*D Te, Admodum Reuerende Pa-
ter Magister ac Regens Dignissime,
ea quæ in Laudes Angelici Præceptoris face-
re licuit, deferri æquum visum est. Nec e-
nim aliò suauius diuertit Laudum ac Præ-
conij sonus, quàm ubi dignior benignioruè ad percipiendum ex-
pectat auris. Haud est dubium Te animo libenti, affectu hila-
ri, benignâ aure Doctoris Angelici sentire Laudes, qui Nectareâ
eius Doctrinâ aliorum ditas aures, satias corda. Offeritur en Ti-*

bi Cœlum, cuius quidem influxum gratiam hæc in Polonâ Provin-
ciâ dispensare conspiceris, non aliter ac Vigil Præsul, amans Pa-
ter, Arbiter prudens, Pastor diligens, fidelissimus Oeconomus.
Ac profectò aquisimus quinis index THOMAM factum
Cœlum Tibi offerendum decernet, nam Te validissimum,
ceu Atlantem suavi Cœli huius ponderi, Vigilantia ac Laboris
humeros supponere nemo non videt. Porta ergo, felicissime
Atlas, porta Cœlum THOMAM, ac sic feliciter cum eximio
Præsulatus Theologici Munere sustenta Cœlum THOMAM,
ut Te Thomas, post diutissimam lucis huius usuram, translatus
ad Cœlestia, faciat fulgentem in perpetuas aternitates.

Admodum Reuerenda Paternitatis Vestra

Humillimus

Scrui

Fr. Raymundus Moiecki Sacr: Theol. L. & Professor Varf.

MA. 11. 7.



Um hæc Muneris Theolo-
gici conscendo Rostra, videre mi-
hi videor Cœleste quiddam in eo
splendidissimo Vestrûm concilio,
Præstâtissimi ac Sapientissimi Au-
ditores. Mirarer satis meæ imprudentiâ lin-
guæ, si quos præsentis in vna confessus facie o-
culis cerno, nil omninò efformare cœlestis men-
te conciperem. Me equidem, & præsens Theo-
logica cui dignanter interestis Sermocinatio, &
hic fauorabilis Dignationis vestræ confluxus, &
ea ipsa quam Christi Cætus Doctoris Angelici
Sacris dicauit Festiua Dies, ad eum commouent
sensum, vt Vos intra felicissimi amplitudinem
Cœli manere iudicem. Solemnem diem, iam
nouî, cœlestis portare speciem lætitiæ, eò quòd
Angelico Doctori, Doctori sit Sacra Cœlesti; &
Vestrûm confluxus, patens est cœlestialis Socie-
tatis signum; & hæc Theologica quæ speculati
estis Asserta, quid aliud quàm cœlestem loquū-
tur actionem? Sentite quæso mecum, Audito-
res,

res, Illustrissimum Ecclesiæ Decus Diuum
THOMAM AQUINATEM hanc fortis coelestis
Vobis dedisse formam. Illum ego, veritate ful-
tus, nixus ratione, fortunatissimum quoddam
contemplor Cœlum, ac hunc in modum bene-
uolæ auri referre satago. Meum erit, velocem
mouere linguam de Cœlo THOMÁ; Vestrum,
hactenus quiete gaudere coelesti.

Cœlum nouerit quiuis, puriori præstans
substantiâ superiores tenere locos; rotundæ exi-
stens Sphæræ, faciliorem habere motum; conti-
nuo liberale influxu, amabilem his inferioribus
præstare vitam. Nec enim quidcunq; vitali a-
ctû potiretur in terris, si influxuum gratia nega-
retur à cœlis; nec facili cœlum gauderet motu,
si Sphæræ careret formâ; nec superiori dignum
iudicaretur loco, si non præstantiorem posside-
ret substantiam. Et præstantiæ eminentiam, &
mobilitatis elegantiam, & vitalis influxus gra-
tiam præcontinet Aquinas Cœlum. O quanta
Cœli istius præstantia! quæ tantò eminentior
apparet, quantò illustrior Vita Aquinatis patet.
Præstat Aquinas altitudine generis, candore iu-
uentutis, Sanctitate Ordinis, Vitâ perfectionis,
animo deuotionis, gradu sanctitatis, copiosâ a-
bun-

bundantiâ Virtutum amplitudinis: Adeò vt,
quemadmodum Supremus Orbis Arbiter, Or-
be iam condito, Firmamentum, seu (altero lo-
quente textu) Extensionem vocauit Cœlum,
ac si non nisi Firmum, non nisi Extensum extare
debeat Cœlum; sic THOMAS AQUINAS,
Præstans Firmitate, Extensione Præstans, Fir-
mus perfectionibus, Extensus virtutibus, stupor
omnibus extat, cunctis exemplum præstat; vt
ex eo solùm THOMAS vocâri Cœlum dignus
inueniatur, quia omnigenâ virtute cælatus con-
spicitur. Quis non videt THOMAM, Infantem ad-
huc, cum dulci Aue MARIA, virtutum in se ie-
cisse fundamenta? Adolescentulum, diligentiori
Literis nauatâ operâ, arctam viuendi amplexum
normam, firmissimum (haud obstâte Fratrum
renitentium diuulsione) retinuisse propositum?
Fortem Athletam, carnalem fugasse hostem?
spreuisse mundum, superasse dæmonem? otio
bellum, labori fœdus indixisse? fortis Patientiæ,
Humilitatis sublimis regulas seruasse? Ieiunij
frequentiam, Orationis assiduitatem exercuisse?
ac quantumcunque latitudo patet virtutis, tan-
tùm THOMAM AQUINATEM profecisse? Pro-
fecit THOMAS eo passu virtutis, quo acquisif-

set locum altitudinis. Et velut Gygas ad currendam viam firmo se accinxit robori virtutis, quod se extendisset ad Præstantiam sublimitatis. Iam ergo THOMÆ conspicua est Virtutum præstantia, quem voces etiam Coelestes fatentur Virginali præstantem munditiâ. Præstat AQUINAS cunctis, eminet vniuersis. Quàm ecce eminēti Coelum hoc ponendum loco! Mobilem porro appellabo THOMAM, qui omnibus mobilibus mobiliorem adamauit Sapientiam. Quem quæso latet incomparabilis Sapientia THOMÆ? quâ motus, attingit à fine ad finem fortiter, non Naturæ, non morum, non Coeli, non ipsius Deitatis secreta arcana omittens, vt eò vbique dono sibi dato desuper pertingere potuisset. Ac, si olim Sapientiâ præditum orbis vniuersus mirabatur Salomonem, cur non omnes clamantem emittemus vocem, Ecce plusquam Salomon hic? hic AQUINAS, hoc Coelum, de quo, si & tale os, & talem vocem sortiretur Sapientia, verissimo eloquio, libenti proferret sono, Coelum, hoc Coelum, mihi sedes est. Quidni sedes Sapientiæ THOMAS, quem Regali veluti fulgentem Maiestate, tota Sapientum veneratur vniuersitas? à quo copiosissimo veluti ex torrente pro-

procedentia rigant totam Sanctam Ecclesiam,
Doctrinæ flumina. Qui non aliter ac Sol mun-
do ortus, clarissimos fudit Christiano in Orbe
radios. Cœlū, quod nostris hisce patens est ocu-
lis, aliquādo nobis occultari cōspicimus, Israeli-
tarū Rege de Deo sic proferēte: Qui operit Cœ-
lum nubibus. Felicius longē THOMAS est Cœlū,
quod nullā obscuritatis occultatum nube, feli-
cissimē cœlestem profectō influit Doctrinam,
nec minimā difficultatis caligine inuolutam,
nec minimā falsitatis notā impeditam; Quæ, si-
cut ab omni erroris suspicione libera, sic nullius
defectus umbrā infecta, quinimō veritate, clari-
tate, docilitate, conspicua est. Non mea hæc suf-
ficit lingua istius Cœli influxus enarrare gratiā,
Theologorum Sanctissimum THOMAM tot lau-
dibus celebrantium audiantur præconia; Ora-
Sancta ipsorum Summorum Antistitum loquū-
tur. Diui THOMÆ Doctrinam Ecclesiæ Mili-
tanti victoriam felicem ac telorum hæreseon elu-
sionem conferre Summus Pontifex testatus est
PAVLVS Quintus: infinitos errores Doctrinā
Diui THOMÆ esse confutatos, protulit PIUS
Quintus: Veridicam & Catholicam Diui THO-
MÆ Doctrinam appellauit VRBANVS Quintus:

proprieta'tem verborum, modum dicendorum,
veritatem sententiarum Doctrinæ Diui THOMÆ
adscriptit INNOCENTIUS Sextus: singu-
larem ordinem ac miram perspicuitatem sine
vilo prorsus errore in Doctrina Diui THOMÆ
reperiri & eundem Diuinæ Voluntatis Angeli-
cum Interpretem acclamauit CLEMENS O-
ctauus: ac alij Summi Pontifices multis alijs
Diui THOMÆ Doctrinam titulis extulerunt,
laudarunt, prædicarunt. O felix Cœlum, cu-
ius adeò sunt laudabiles influxus! Fabulosum
meminerimus Antiquitatis paradoxum, Cœ-
lum ne graui dilabatur ruinâ portentosis Atlan-
tis cuiusdam sustentari humeris: Talem nulla-
tenus expauescit casum AQUINAS Cœlum,
perpetuitatis quippè vigore pollens, non alicu-
ius basis indiget ope, sed DEI ipsius sustentan-
te lætatur Dexterâ, quia Dominus supponit
manum suam. Non ergo sine rectissimi con-
silio iudicij supplex ab Altissimo flagitat Eccle-
sia, vt queat ea quæ Diuus THOMAS docuit In-
tellectu conspicere. Diuos Apostolos PETRUM
& PAULUM Scholas THOMÆ visitasse igno-
ramus? MATREM DEI dulcia THOMÆ A-
QUINATI præstitisse alloquia nescimus? SPI-

RITVM Sanctum Cœlestibus donis aurem THOMÆ ditasse dubitamus? à Dulcissimo Redemptore ipso datam THOMÆ vocem, *Bene scripsisti de me THOMA, quam ergo mercedem accipies*, non audimus? O THOMA, Ecclesiæ Lumen, Fidei Columnen, Veritatis Doctor, Hæreseon expugnator, quis non satiatium Doctrinæ Tuæ missum Tibi desuper Lumen agnoscit? quis vel modico saltem exercitio Tuæ Doctrinæ degustans influxum Te non satis benignum experitur Cœlū? Jam tibi post huius decursum Viæ æuiternæ reddito Patriæ congaudet Beatus, at hîc semper Te Viator collaudat Doctus: Scio alios Te appellasse Solem, alios Te vocasse Iridem, gratum Tibi sit iam Te nuncupari Cœlum; In quo Cœlo en hactenus Theologicus vidit DEVM Intellectus: In Te Cœlo qui manet, doctrinâ facundus, ingenio clarus, iudicio discretus remanet, ac ideo satiatur, exultat lætatur: cum namq; sis Cœlum, sicut lætantium omnium habitatio est in Te.

D I X I.



D I X I

Handwritten signature or initials in red ink, possibly reading 'H. M. 7'.



